



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput Finale. Honorius III. Venerabilibus fratribus M. Patriarchæ (a)  
Antiochen. & universis Archiepiscopis, Episcopis, ac dilectis filiis cæteris  
Ecclesiarum Prælatiis, in Patriarchatu Antiocheno ...

---

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

## CAPUT FINALE.

Honorius III. *Venerabilibus fratribus M. Patriarcha (a) Antiochen. & universis Archiepiscopis, Episcopis, ac dilectis filiis ceteris Ecclesiarum Prelatis, in Patriarchatu Antiocheno constitutis.*

**S**uper specula. *Et infra*: Sanè licèt fallax sit gratia cæterarum scientiarum, & vana etiam pulchritudo, cùm frumentum electorum, & vinum germinans virgines juxta Prophetam sit bonum super omnia, & sit pulchrum: quia tamen regulares quidam claustrale silentium, & legem Dominianimas convertentem, & sapientiam dantem parvulis, quam super aurum, & topazion amare debuerant, respicientes, abeunt post vestigia gregum, & illicitè se convertunt ad pedissequas amplectendas, quæ plausum desiderant populorum: contra hujusmodi præsumptores exeuntes ad audiendum leges, vel physicam, felicitatis memoriam Alexander prædecessor noster olim instituit in Concilio Turon. ut nisi infra duorum mensium spatium ad claustra redierint, sicut excommunicati ab omnibus evitentur, & in nulla causa, si patrociniū præstare voluerint, audiantur. Reversi autem in Choro & Capitulo, & mensa, & cæteris ultimi fratrum existant, & nisi fortè ex misericordia Sedis Apostolicæ, totius spem promotionis amittant. Verùm quia nonnulli ex talibus propter quorundam opiniones diversas excusationes aliquas assumebant: Nos volentes ut tales de cætero ipso facto sententiam excommunicationis incurrant, districtè præcipiendo mandamus, quatenus tam à (b) Diocæsanis, & Capitulo ipsorum, quàm & à cæteris Episcopis, in quorum Diocæsis hujusmodi student, tales sub appell. obst. excommunicati, & prædictis pœnis obnoxii publicè nuntientur. (c) Quia verò Theologiæ studium cupimus ampliari, ut dilatato sui tentorii loco finiculos suos faciãt longiores, ut sit fides catholica circumcincta muro inexpugnabili bellatorum, quibus resistere valeat ascendentes ex diverso: ad Archidiaconos, Decanos, (d) Plebanos, Præpositos, Cantores, & alios clericos (e) personatus habentes, nec-non presbyteros, (nisi ab his intra spatium præscriptum destiterint:) hoc extendi volumus, & mandamus, appellatione postposita, firmiter observari.

## NOTÆ.

(a) *Antiochen.*] Ita legitur in quinta compilatione, sub hoc tit. cap. unico, ex qua restituo præsentem inscriptionem. De Ecclesia Antiochena nonnulla notavi in cap. 1. de translac. Episc. Tria reperiuntur fragmenta in hoc Decretalium volumine compilata Honorii III. cum hoc principio: primum in præsentem relatum: secundum in cap. super specula, de magistr. tertium in cap. super specula, de privil. & ad eandem epistolam Decretalem spectare voluit Cironius in cap. super, de magistris.

(b) *Diocæsanis.*] Episcopis videlicet, in quorum Diocæsis monasteria ipsa sunt, aut ubi studio juris civilis operam dant. An verò hæc nunciatio Episcopis etiam in monachos exemptos concessa sit, disputat Boëtius Epon. in præsentem, n. 4. qui affirmativè resolvit.

(c) *Quia verò.*] Hæc verba non extant in dicta quinta compilatione; esse tamen nostri Honorii III. refert Bonifacius VIII. in cap. 1. hoc. tit. in 6. & in eis Pontifex studium sacræ Theologiæ

commendat, quia cùm per annum 1137. libræ Pandectarum juris civilis reperti fuerint à Pisanis in diratione civitatis Melfitanæ, quæ est in Apulia, adhucque hodie magna cum veneratione Florentiæ asserventur, & Lotharius Imperator statuisset, ut abrogato Longobardorum jure, civile observaretur, & publicè doceretur, cepit esse ejus professio apud omnes magna in æstimatione, ut referunt Balduinus in prolog. ad Instaura, §. cum verò. Posselinus in sua biblioth. cap. 17. Unde & è contrario negligi cepit studium sacræ Theologiæ cùm ferè omnes juris Cæsarei studium profiterentur, propter honorem; aut physicam propter opes: unde in proverbium abiit: *Dat Galenus opes, & Justinianus honores.* Unde Honorius III. agnoscens præstantiam studii sacræ Theologiæ, atque ejus necessitatem, ideo præsentem edidit constitutionem, ut ipse in præsentem fatetur, & docuit Barbosa voto 88. num. 24.

(d) *Plebanos.*] Id est parochos, ut exposui in cap. 1.

(e) *Personatus.*] Quid sit personatus, exposui in cap. ad aures, de rescriptis.

FINIS LIBRI III. DECRETALIU M.

CONZA  
LEZ  
30000  
GV  
4